

EU ne može riješiti svoje, a kamoli vaše probleme

CHRISTIAN DE FOULLOY



Cristian De Fouloy predsjednik je Asocijacije akreditiranih lobista pri Evropskom parlamentu. Bavi se javnim i političkim radom, zagovaranjem i lobiranjem. Poznat je kao dobar govornik i velik poznavalac svjetskih političkih tokova. Autor je brojnih naslova koje su u svom radu koristile velike multinacionalne korporacije, konsultantske kuće i druge interesne grupe. Čest je govornik na konferencijama Evropske unije o pitanjima lobiranja. U medijima je okarakteriziran kao čovjek bez dlake na jeziku. Trenutno lobira za Gvineju Bisao, jednu od najsiromašnijih zemalja Afrike.

FOTO NIJAZ HLIVNJAK

RAZGOVARAO NIJAZ HLIVNJAK

nijaz.hlivnjak@novovrijeme.ba

» Gospodine De Fouloy, uz zahvalu za pristanak da govorite za *Novo vrijeme*, želim vas pitati šta se trenutno dešava na političkoj sceni Evrope? Ima li naznaka nekim novim koalicijama? Gdje se u svemu tome može vidjeti BiH?

U Evropskoj uniji situacija je trenutno vrlo delikatna, ne zna ko su novi igrači i koliko su jaki. Već se mogu vidjeti neke koalicije. Naprimjer, Holandani žele nazad jaku nacionalnu državnu jer smatraju da je EU preuzela previše područja, da su joj date prevelike ovlasti. David Cameron uskoro će u Velikoj Britaniji imati referendum na kojem će građani odlučiti o tome ostaju li u Evropskoj uniji ili će je napustiti. Danci se također približavaju Velikoj Britaniji i vrlo slično razmišljaju. Ne mislim da ćemo s izborom Merkelove na sceni vidjeti snažniju koaliciju između Francuske i Njemačke. Vidite, Evropska

S Christianom De Fouloyem razgovarali smo u Briselu na dan sastanka bh. lidera s povjerenikom EU za proširenje Štefanom Füleom. De Fouloy smatra da je u ovom trenutku budućnost Evropske unije neizvjesna, da je niz neriješenih pitanja unutar nje same, što utječe da se EU nije u stanju u potpunosti posvetiti Bosni i Hercegovini. U takvim uvjetima sudbinu Bosne i Hercegovine u budućnosti sve će više određivati stav Njemačke

unija nije samo Njemačka i Francuska, postoji još 26 zemalja koje učestvuju u odlučivanju. Na jugu imate zemlje koje su u velikim problemima. Ne možemo predvidjeti šta će se dešavati u Španiji, Portugalu, Italiji, Grčkoj...

U Evropskoj uniji trenutno je mnogo problema. Problemi u Sloveniji također nisu riješeni, a Hrvatska se, kao najnovija članica, pokušava prilagoditi sistemu u situaciji kad ni sama nije u dobroj ekonomskoj poziciji. Kad sve ovo imate na umu i kad gledate iz pozicije Bosne i Hercegovine, onda shvatate da vaša zemlja mora imati vlastitu viziju, morate se pozicionirati. Iz Evropske komisije kažu da će vam pomoći, ali vi pred njih morate izaći sa svojom vizijom. U Bosni

i Hercegovini, koliko znam, ima mnogo političkih frakcija i ona je po mnogočemu podijeljena.

Kako kotiramo u očima Evrope?

Ljudi su razočarani, očekivali su više, a i Evropska komisija kaže da niste dovoljno uradili. Čini mi se da poruka koju vam Evropa želi poslati jeste da okean trenutno nije stabilan, da morate zadržati svoju poziciju, ali bez previše očekivanja u ovom vremenu. Iskreno, mnogo ljudi ne zna ni gdje je Bosna i Hercegovina. Ljudi su čuli za Sarajevo iz rata i to je sve. Vi morate imati snažnije prisustvo u Briselu. Ne znam koliko vam to finansijske mogućnosti dopuštaju, ali morate imati prisustvo. Imati samo ambasadora nije dovoljno.

Na tragu svega što ste spomenuli, moram pitati: misli li iko u Briselu na Bosnu i Hercegovinu?

Uz probleme u Španiji, Italiji, Grčkoj, pa i na Kosovu, teško da se neko može posvetiti isključivo Bosni i Hercegovini. Vaša zemlja mora biti spremna da djeluje u veoma nestabilnoj situaciji. Ne činite dovoljno. Preporuka je da se potrudite da vas ljudi zapamte i u ovim teškim vremenima.

Sve ovo nekako podsjeća na period u bivšoj Jugoslaviji prije nego se raspala. Jug je siromašan i žali se da ga sjever ne razumije, sjever misli da jug ne radi dovoljno i da živi na njihov račun. Nadamo se da rasplet neće biti sličan onom u Jugoslaviji?